

Broj: 04-45-1105-2/21
Mostar, 29.10.2021. godine

Na osnovu člana 4., člana 14. stav (1) i stav (2), člana 16. i člana 25. stav (1) Zakona o slobodi pristupa informacijama u Federaciji Bosne i Hercegovine („Službene novine Federacije BiH“ broj 32/01 i 48/11), člana 206. stav (1) Zakona o upravnom postupku („Službene novine Federacije BiH“ broj 2/98 i 48/99), člana 23. stav (3) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 11. stav (1) i 32. stav (4) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19) i dijela II - Postupak pristupa informacijama Vodiča za pristup informacijama u Regulatornoj komisiji za energiju u Federaciji Bosne i Hercegovine broj 08-08-31-05/17 od 13.02.2017. godine, postupajući po Zahtjevu za pristup informacijama broj 04-45-1105-1/21 od 21.10.2021. godine podnosioca V.M. iz M., Regulatorna komisija za energiju u Federaciji Bosne i Hercegovine - FERK je na nastavku 21/21 internog sastanka održanom u Mostaru 29.10.2021. godine donijela sljedeće

RJEŠENJE

1. Odobrava se Zahtjev za pristup informacijama broj 04-45-1105-1/21 od 21.10.2021. godine podnosioca V.M. kojima FERK raspolaže u dijelu koji se odnosi na dostavljanje odluka JP „Elektroprivreda HZ HB“ d.d. Mostar i to: Odluke o cijeni usluge javnog snabdjevača za pružanje univerzalne usluge u 2015. godini broj I-9189/14 od 28.11.2014. godine; Odluke o utvrđivanju prijedloga cijene usluge javnog snabdjevača za pružanje univerzalne usluge u 2017. godini broj I-9613/16 od 25.10.2016. godine; Odluke o utvrđivanju prijedloga cijene usluge javnog snabdjevača za pružanje univerzalne usluge u 2018. godini broj I-6188/17 od 28.09.2017. godine; Odluke o utvrđivanju prijedloga cijene usluge javnog snabdjevača za pružanje univerzalne usluge u 2019. godini broj I-6708/18 od 21.09.2018. godine; Odluke o utvrđivanju prijedloga cijene usluge javnog snabdjevača za pružanje univerzalne usluge od 1. januara 2020. godine broj I-10043/19 od 27.09.2019. godine.
2. Tražene informacije iz tačke 1. ovog rješenja dostavljaju se podnosiocu zahtjeva uz ovo rješenje, a pristup traženim informacijama ostvarit će se dostavljanjem putem pošte na adresu podnosioca.
3. Odbija se zahtjev podnosioca V.M. broj 04-45-1105-1/21 od 21.10.2021. godine u dijelu koji se odnosi na pristup odluci FERK-a o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge za 2021. godinu i prilogu tražene odluke JP „Elektroprivreda HZ HB“ d.d. Mostar sa prijedlogom cijena jer ista nije donesena.
4. Ovo rješenje se objavljuje na oglasnoj tabli i internet stranici FERK-a.

Obrazloženje

FERK je 21.10.2021. godine, elektronskim putem, pod brojem 04-45-1105-1/21 primio Zahtjev za pristup informacijama podnosioca V.M. u kojem podnosilac traži od FERK-a pristup (kopiju ili dostavljanje) dokumentaciji koja je sastavni dio odluka FERK-a o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje

univerzalne usluga i to odluka JP „Elektroprivreda HZ HB“ d.d. Mostar zaprimljenih u FERK pod brojevima kako slijedi: 07-02-924/33/14 od 01.12.2014. godine (I-9189/14 od 28.11.2014. godine); 01-07-1039/16 od 28.10.2016. godine (I-9613/16 od 25.10.2016. godine); 01-01-847/17 od 11.10.2017. godine (I-6188/17 od 28.09.2017. godine); 01-07-857/18 od 02.10.2018. godine (I-6708/18 od 21.09.2018. godine) i od 02.10.2019. godine (I-10043/19 od 27.09.2019. godine). Podnosilac zahtjeva je tražio i dostavu odluke FERK-a o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge za 2021. godinu, kao i priloga te odluke (odluke JP „Elektroprivreda HZ HB“ d.d. Mostar – prijedlog cijena).

Rad FERK-a je u skladu sa Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19) javan, a FERK po zahtjevima za pristup informacijama sa kojim raspolaže postupa u skladu sa Zakonom o slobodi pristupa informacijama u Federaciji Bosne i Hercegovine i Vodičem za pristup informacijama u Regulatornoj komisiji za energiju u Federaciji Bosne i Hercegovine.

Analizom dostavljenog zahtjeva utvrđeno je da se isti odnosi na odluke koje je JP „Elektroprivreda HZ HB“ d.d. Mostar, kao imalac dozvole za snabdijevanje električnom energijom – dozvole I reda i javni snabdjevač, dostavilo FERK-u do 02.10.2019. godine radi dobijanja saglasnosti na prijedlog cijena usluge javnog snabdjevača u skladu sa odredbama Pravilnika o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14 i 84/19).

Uvidom u dokumentaciju kojom FERK raspolaže utvrđeno je sljedeće:

Odluka JP „Elektroprivreda HZ HB“ d.d. Mostar o cijeni usluge javnog snabdjevača za pružanje univerzalne usluge u 2015. godini broj I-9189/14 od 28.11.2014. godine primljena je u FERK 01.12.2014. godine pod brojem 07-02-924/33/14. FERK je Odluku o davanju saglasnosti Javnom poduzeću „Elektroprivreda Hrvatske zajednice Herceg Bosne“ dioničko društvo Mostar na prijedlog cijene usluge javnog snabdjevača za pružanje univerzalne usluge donio 22.12.2014. godine pod brojem 07-02-924-02/33/14 („Službene novine Federacije BiH“ broj 104/14), a predmetna odluka JP „Elektroprivreda HZ HB“ d.d. Mostar je sastavni dio FERK-ove odluke i nalazi se u prilogu iste.

Odluka JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2017. godini broj I-9613/16 od 25.10.2016. godine zaprimljena je u FERK 28.10.2016. godine pod brojem 01-07-1039/16. FERK je Odluku o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge donio 23.11.2016. godine pod brojem 01-07-1039-02/16 („Službene novine Federacije BiH“ broj 95/16), a predmetna odluka JP „Elektroprivreda HZ HB“ d.d. Mostar je sastavni dio FERK-ove odluke i nalazi se u prilogu iste.

Odluka JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2018. godini broj I-6188/17 od 28.09.2017. godine primljena je u FERK 11.10.2017. godine pod brojem 01-01-847/17. FERK je Odluku o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge donio 24.11.2017. godine pod brojem 01-07-977-03/17 („Službene novine Federacije BiH“ broj 95/17), a predmetna odluka JP „Elektroprivreda HZ HB“ d.d. Mostar je sastavni dio FERK-ove odluke i nalazi se u prilogu iste.

Odluka JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2019. godini broj I-6708/18 od 21.09.2018. godine primljena je u FERK 02.10.2018. godine pod brojem 01-07-857/18. FERK je Odluku o

davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge donio 16.11.2018. godine pod brojem 01-07-857-02/18 („Službene novine Federacije BiH“ broj 95/18), a predmetna odluka JP „Elektroprivreda HZ HB“ d.d. Mostar je sastavni dio FERK-ove odluke i nalazi se u prilogu iste.

Odluka JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge od 1. januara 2020. godine broj I-10043/19 od 27.09.2019. godine primljena je u FERK 02.10.2019. godine pod brojem 07-02-1002/19. FERK je Odluku o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge donio 31.10.2019. godine pod brojem 07-02-1002-01/19 („Službene novine Federacije BiH“ broj 84/19), a predmetna odluka JP „Elektroprivreda HZ HB“ d.d. Mostar je sastavni dio FERK-ove odluke i nalazi se u prilogu iste.

Obzirom na navedeno, FERK je u skladu sa članom 14. stav (1) i (2) Zakona o slobodi pristupa informacijama u Federaciji Bosne i Hercegovine, a postupajući po Vodiču za pristup informacijama u Regulatornoj komisiji za energiju u Federaciji Bosne i Hercegovine, dio II. - Postupak pristupa informacijama, utvrdio da se može odobriti pristup informacijama kojima FERK raspolaže, a koji će se ostvariti slanjem informacija, odnosno kopija Odluke JP „Elektroprivreda HZ HB“ d.d. Mostar o cijeni usluge javnog snabdjevača za pružanje univerzalne usluge u 2015. godini broj I-9189/14 od 28.11.2014. godine, Odluke JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2017. godini broj I-9613/16 od 25.10.2016. godine, Odluke JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2018. godini broj I-6188/17 od 28.09.2017. godine, Odluke JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge u 2019. godini broj I-6708/18 od 21.09.2018. godine i Odluke JP „Elektroprivreda HZ HB“ d.d. Mostar o utvrđivanju prijedloga cijene usluge javnog snabdjevača za pružanje univerzalne usluge od 1. januara 2020. godine broj I-10043/19 od 27.09.2019. godine, putem pošte na adresu podnosioca.

U skladu sa članom 14. stav (2) tačka 3), a u smislu člana 16. Zakona o slobodi pristupa informacijama u Federaciji Bosne i Hercegovine, utvrđeno je da za troškove kopiranja gore navedenih informacija odnosno odluka podnosilac zahtjeva ne treba platiti troškove, te se iste prilažu uz rješenje.

Podnosilac zahtjeva tražio je pristup i odluci FERK-a o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge za 2021. godinu i prilogu tražene odluke JP „Elektroprivreda HZ HB“ d.d. Mostar sa prijedlogom cijena. Navedena odluka nije donesena jer se cijena usluge javnog snabdjevača za pružanje univerzalne usluge iz FERK-ove Odluke o davanju saglasnosti JP „Elektroprivreda HZ HB“ d.d. Mostar na prijedlog cijene usluge javnog snabdjevača za pružanje univerzalne usluge broj 07-02-1002-01/19 od 31.10.2019. godine („Službene novine Federacije BiH“ broj 84/19) primjenjuje od 01.01.2020. godine i ista nije mijenjana obzirom da FERK do dana rješavanja predmetnog Zahtjeva za informacijama nije primio od JP „Elektroprivreda HZ HB“ d.d. Mostar novi prijedlog cijene usluge javnog snabdjevača za pružanje univerzalne usluge, zbog čega FERK nije mogao postupiti po predmetnom zahtjevu. Obzirom da tražena odluka nije donesena FERK je, imajući u vidu odredbu člana 25. stav (1) Zakona o slobodi pristupa informacijama u Federaciji Bosne i Hercegovine kojim je propisano da se na pitanja postupka koja nisu uređena ovim zakonom primjenjuje Zakon o upravnom postupku, u skladu sa članom 206. stav (1) Zakona o upravnom postupku odbio ovaj dio zahtjeva podnosioca čime je rješenjem odlučeno o predmetu postupka u cjelini i o svim zahtjevima podnosioca.

Na osnovu navedenog odlučeno je kao u dispozitivu rješenja.

POUKA O PRAVNOM LIJEKU:

Protiv ovog rješenja može se izjaviti prigovor FERK-u, Kneza Domagoja 12 A, Mostar u roku od osam dana od dana primanja rješenja. Prigovor se predaje usmeno na zapisnik, pisano ili putem pošte.

PREDSJEDNICA FERK-a
Sanela Pokrajčić, s.r.